

四庫全書

史部

欽定四庫全書

史部

欽定大清會典卷三十五至三十

詳校官檢討臣劉炳

編修臣程嘉謨覆勘

總校官進士臣楊懋所

校對官中書臣鮑之鍾

謄錄監生臣沈世政

謄錄監生臣錢萬卷

欽定四庫全書

欽定大清會典卷五十五

禮部

儀制清吏司

經筵

凡

經筵之禮以大學士尚書左都御史侍郎學士詹事

克

經筵講官滿漢各八人歲春秋仲月由部疏請得

旨翰林院列講官名具奏以滿漢各二人分講經書

掌院學士暨直講官擬篇目撰講章奏請

欽定至日黎明遣大學士一人祇告

皇師

帝師

王師

先聖

先師於

傳心殿

親詣行禮則於前一鴻臚官設
日均詳見吉禮

御案於

文華殿

御座前南嚮設講案於

御案之南北嚮翰林院官奉講章及進講副本左書

右經各陳於案退記注官四人立西階下東面

滿講官暨侍班之大學士吏部戶部禮部尚書

侍郎通政使副使詹事少詹事立丹墀左西面
漢講官暨侍班之兵部刑部工部尚書侍郎左
都御史左副都御史大理卿少卿立丹墀右東
面糾儀給事中御史各二人鴻臚寺鳴贊二人
立侍班官稍後東西面均南上如衍聖公入

覲恭遇

經筵立於東班之首至時禮部堂官詣

乾清門奏請

御經筵

皇帝御常服乘輿出宮導引扈衛如常儀由後左門
出左翼門至

文華殿丹陛上降輿入

陛座記注官升西階入立

殿內右楹之西鳴贊升立東西檐下贊排班講官

暨侍班官咸就拜位北面立贊跪叩興行二跪
六叩禮畢鴻臚卿東西各一人引講官暨侍班

官分行升自東西階滿講官由

殿左門之右漢講官由右門之左入立於東西楹之南東侍班官由左門之左西侍班官由右門之右入立於講官後糾儀官隨入立東西隅均東西面北上鴻臚卿退立於

殿檐下鳴贊贊進講滿漢直講官四人出至講案前東班西上西班東上行一跪三叩禮復位立滿講官一人出就案左北面展講章進講四子

書畢復位漢講官一人趨過案左進講如之

皇帝闡發書義宣示臣工講官暨侍班官跪聆畢興
又滿講官一人趨過案右漢講官一人出就案
右先後進講經義畢

皇帝闡發經義各官跪聆亦如之鴻臚卿引出

殿至丹墀各就拜位立鳴贊贊如初行二跪六叩
禮畢內監設坐氍毹於

殿內東西各二行鴻臚卿引講官侍班官按品臚

序仍升東西階入

殿內

賜坐

賜茶儀與常朝同禮部尚書奏禮成

駕興至丹陛陞輿還宮是日

賜燕於

太和門東廊講官暨侍班記注糾儀各官咸與燕
畢詣內金水橋南丹墀東行一跪三叩禮各退

視學

凡

視學之禮豫期由部疏請行取衍聖公五經博士至
聖裔五人元聖周公裔四配十二哲裔各二人
乘傳赴京暨各氏子孫列官於朝者各官學師
生直省在京需次之進士舉人貢監生咸與觀
禮內閣擬經書國子監祭酒司業撰講章均進

呈

欽定至日工部官張大次於大成門東設

黃幄

御座於彝倫堂內鴻臚寺設

御案於幄前少東均南嚮設講案二於左右東西嚮
祭酒司業奉講章及進講副本左書右經各陳
於案

皇帝禮服乘輿詣學

儀與丁祭親詣同

法駕鹵簿前導

前引後扈如常儀祭酒司業率所屬官暨進士

舉人朝服諸生公服跪迎於成賢街道右

皇帝至

廟門外降輿入太常卿二人恭導詣

大成殿釋奠於

先師孔子

儀詳吉禮

禮畢出大成門入大次更衣服王公

以下咸更衣服王公序立於大次之南各官均

先詣彝倫堂庭中按朝班東西序立衍聖公在
東班之首五經博士各氏後裔在班末均東西

面北上記注官四人立西階下東面糾儀給事中御史各二人鴻臚寺鳴贊二人立東西階下均東西南北上宣制官一人立東檐下西面祭酒司業率所屬官及進士舉人肄業諸生序立太學門內東西南上禮部尚書奏請行講學禮太學鳴鐘鼓

皇帝出大次至門外乘輿導迎樂作由太學中門入王公等隨入祭酒以下跪候

駕過興咸隨入

皇帝至彝倫堂降輿

御講幄

陞座記注官升西階入立堂內右楹之西糾儀官升
東西階立東西檐下第三柱鳴贊升立第二柱
王公立階上各官立階下均東西面鳴贊贊排
班衍聖公率五經博士各氏後裔祭酒司業率
所屬官及進士舉人諸生咸就拜位北面立班

齊贊進衆進贊跪叩興衆行三跪九叩禮畢

賜王公暨衍聖公大學士九卿坐鴻臚官引由左右
門入堂內咸跪行一叩禮坐翰詹四品以下官
國子監官六堂諸學師儒五經博士各氏後裔
進士舉人肄業諸生皆列東西階下圜堂下聽
講鳴贊贊進講滿漢祭酒二人由左門入司業
二人由右門入均北面立贊舉案執事官舉
御案至

御座前

賜直講官座祭酒就東案西面司業就西案東面各行一叩禮坐滿漢祭酒以次講四子書司業講經亦如之講畢贊舉案執事官舉

御案置原位王公以下起立祭酒司業出率所屬官暨進士舉人諸生就拜位北面立禮部尚書奏傳

制鳴贊贊有

制祭酒以下皆跪宣制官進至中門左宣

制曰聖人之道如日中天講究服膺用資治理爾諸生其勉之宣訖贊叩興祭酒率衆行三跪九叩禮先退至成賢街恭竢

賜王公大臣茶跪受坐飲各行一叩禮畢由左右門出就階下序立禮部尚書奏禮成

駕興陞輿出太學門導迎樂作祭酒以下跪送如初
迎儀

皇帝還宮次日行聖公率五經博士各氏後裔祭酒
司業率所屬官暨進士舉人諸生具表謝

恩所司陳法駕鹵簿樂懸如常儀王公百官咸朝服
會

闕下

皇帝禮服

御中和殿執事各官行禮畢

御太和殿鴻臚官引王公百官各就位贊行三跪九

叩禮次引衍聖公暨祭酒以下東西分班各就
拜位跪宣表官奉表跪宣訖贊行三跪九叩禮

賜坐

賜茶均如大朝之儀是日

賜衍聖公內閣翰林院詹事府國子監各官燕於禮

部五經博士各氏後裔暨執事官咸與越三日

頒

勅於太學

詔諸生而策勵之

賜衍聖公貂冠朝服祭酒司業監丞五經博士各氏
在京官衣皆一襲各氏後裔太學六堂師生宗
學覺羅學咸安宮學景山學八旗學義學副管
教長助教教習學生暨進士舉人白金有差增
廣是科太學鄉試中額送各氏後裔觀禮者入

監讀書○

皇帝特舉

幸魯盛典展禮

先師迺講學於

闕里豫期

命大臣偕衍聖公遴選聖裔賢裔二人充直講官翰

林院撰擬講章均奏請

欽定前期一日有司張大次於奎文閣前設

御座於詩禮堂內設

御案於座前設

勅案於左楹之東均南嚮設講案於堂西檐下東嚮
至日翰林院官陳講章於

御案進講副本於講案內閣官陳

勅於

勅案

皇帝龍袍袞服乘輿出

行宮詣

闕里騎駕鹵簿前導前引後扈如常儀衍聖公采

服率五經博士暨各氏後裔跪迎於廟門外道

右

皇帝至奎文閣前降輿太常卿二人恭導詣

大成殿致祭於

先師孔子

親詣同儀與丁祭

禮畢出同文門至奎文閣

入大次少憩隨

駕官暨地方守土官序立於承聖門左衍聖公以下

序立於承聖門右禮部尚書奏請

行講學禮

皇帝出大次乘輿禮部堂官二人恭導入承聖門衆

皆跪候

駕過興地方官司道以下竝立於門外各官隨入

皇帝至詩禮堂降輿

陞座各官至庭中仍按左右序立大學士一人立東

檐下西面宣

勅官一人立大學士後鴻臚卿二人鳴贊二人立兩

階上東西面鳴贊贊排班衍聖公五經博士各
氏後裔就西階拜位立北面東上贊跪叩興行
三跪九叩禮畢復位贊進講直講一人升自西
階詣講案前一跪三叩興東面立講四子書訖
次直講一人詣案講經亦如之皆退復位立鴻
臚卿奏宣

勅衍聖公以下詣拜位立鳴贊贊跪衆皆跪大學士
由堂左門入奉

勅由堂中門循闌左出授宣

勅官奉至階前西面立宣訖降自中階授衍聖公衍

聖公祇受授執事官鳴贊贊叩興衍聖公率五

經博士各氏後裔行三跪九叩禮畢鴻臚官引

各官出毓粹門序立祇蒞禮部尚書奏禮成

駕興乘輿禮部堂官二人恭導出毓粹門詣

孔林行禮畢

儀見
吉禮

還行宮衆皆退翼日

賜衍聖公蟒衣狐裘貂裘表裏書籍五經博士書籍
衣幣各氏後裔衣幣白金各有差學政簡各氏
弟子員有文行者貢入太學其在仕籍者均進
一階增廣是年山東各府州縣入學名額

巡幸

凡

巡幸之禮

皇帝省方觀民

特舉時巡盛典既諏吉王公暨內閣部院府寺監各

官均列名具奏請

旨扈蹕先期一日遣官以

巡狩祇告

奉先殿至日鑾儀衛陳騎駕鹵簿於

鑾輿所出禁門外

皇帝御征衣乘輿出宮領侍衛內大臣前鋒護軍統領率禁旅翊衛扈蹕諸臣皆征衣乘騎以次隨發王公百官咸采服跪送內閣學士率中書恭奉

御寶以從部院有執事者攜

行在印備用

鑾輅所經禁隨

駕官弁軍士擾吏民踐禾稼內務府供

御營罷用守土官動公帑備糗糧芻茭有借端科斂者論如法○直省將軍督撫提鎮及所屬文武官弁咸朝服各於所治境外恭迎道右紳士耆老隨遠近跪迎既

駐蹕督撫提鎮率屬朝於

行營正門之外至

巡省之方翼日望秩於

方嶽及祭古昔

帝王功德隆重者

先聖

先師皆

親詣行禮境內山川先賢名臣忠烈祠墓並遣官致

祭

詳見祠祭司

○

駐蹕行營日覲封疆大吏監司郡縣

諮詢風土人情

臨視河防

指授方畧

召試陳詩獻賦之士拔其尤者量授以官

親閱方鎮重兵以辨將備軍士材武經過州縣

賜復蠲租存問高年賞賚各有差○

皇帝回鑾守土官於所治境外跪送在

京王公文武京堂武官副都統以上暨

內廷供奉記注翰林科道等官咸采服出郊外跪

迎

駕還宮次日遣官以

回鑾祇告

奉先殿如初禮

御新宮

凡

皇帝御新宮前期一日遣官各一人祇告

天

地

太廟

社

稷屆期內大臣侍衛齊集候隨

皇帝臨新宮鑾儀衛設法駕鹵簿樂部設樂懸於

太和殿前禮部官設王等所進慶賀表文於

太和殿內左楹黃案上王以下文武各官咸朝服

齊集於

太和殿前禮部堂官奏請

陞殿

皇帝御中和殿陞座內大臣侍衛內閣大學士禮部
都察院堂官鴻臚寺鳴贊官行三跪九叩禮畢

皇帝御太和殿鳴鐘鼓樂作

陞座樂止鳴鞭內外王以下公以上於丹陛上兩旁
立鳴贊官贊進贊跪衆皆跪贊進表宣表官奉
表文至檐下正中跪宣畢鳴贊官贊行三跪九
叩禮畢各就原位立乃

賜燕王公等入

殿內內大臣侍衛在丹陛上各官在丹墀青幕內
各就坐行一叩禮燕畢謝

恩行一跪三叩禮禮成鳴鞭作樂

皇帝還宮衆皆退

凡

皇太后御新宮前期一日遣官祇告

太廟後殿

奉先殿居期豫設

皇太后儀駕樂懸於宮門內外

皇太后禮服乘輿出宮樂作儀駕前導引禮大臣命婦

前引至

慈寧宮候

皇太后陞後宮暫憩執事官豫設

皇帝拜位於

慈寧門正中禮部堂官奏請

皇帝禮服乘輿出宮禮部堂官恭導出

隆宗門至

永康左門降輿至

慈寧門下東旁立禮部堂官轉傳內監奏請

皇太后陞座樂作

皇太后御慈寧宮

陞座樂止禮部堂官恭導

皇帝詣正中拜位上立鴻臚寺官引內大臣侍衛於

儀駕末排立鳴贊官奏跪拜興丹陞樂作

皇帝行三跪九拜禮內大臣等皆隨行禮畢禮部堂

官恭導

皇帝復原位立轉傳內監奏請

皇太后還宮樂作

還宮樂止禮部堂官導

皇帝出乘輿還宮執事女官豫設

皇后拜位於

慈寧宮檐前正中設

貴妃

妃

嬪拜位於左右稍後禮部堂官轉傳內監奏請

皇后禮服率

貴妃

妃

嬪詣

皇太后宮行禮依次乘輿自

啟祥門出前引命婦八人恭導至

徽音左門外降輿至

慈寧門下東旁立

貴妃

妃

嬪等序立引禮女官轉傳內監奏請

皇太后陞座

皇太后御慈寧宮樂作

陞座樂止引禮女官恭導

皇后詣正中拜位立

貴妃

妃

嬪於左右稍後均北嚮立丹陛樂作二大臣命婦

奏請

皇后率

貴妃

妃

嬪行六肅三跪三拜禮禮成咸入

慈寧宮內

賜燕燕畢謝

恩行二肅一拜禮二大臣命婦導

皇后率

貴妃

妃

嬪復原位立轉傳內監奏請

皇太后還宮樂作

皇太后還宮樂止引禮女官恭導

皇后率

貴妃

妃

嬪自

徽音左門出乘輿還宮衆皆退

欽定大清會典卷二十五

欽定四庫全書

欽定大清會典卷二十六

禮部

儀制清吏司

耕藉

凡

耕藉之禮置藉田於南郊

先農壇之東南中為

帝藉築臺於藉田北為

皇帝觀耕之位歲仲春吉亥

皇帝躬耕於

帝藉豫期由部奏請

命王三人卿九人從耕鴻臚寺豫於

帝藉兩旁東西各設從耕位立表以識前期一日遣

官祇告

奉先殿如常儀是日順天府尹設二案於

太和殿東檐下以龍亭三采亭四陳設耕具

皇帝躬耕耒耜及鞭皆飾以黃布嘉種以稻從耕三
王九卿布種以麥穀菽黍各貯青箱由

長安左門入至

午門外亭止府屬官恭奉入左門至

太和殿東檐次第陳於案

皇帝御中和殿閱祭

先農祝版禮畢

儀見祠
祭司

御保和殿戶部官舉案入

中和殿陳於

殿正中鞭末案在前種箱案在後戶部禮部尚書

侍郎率屬立

中和殿丹陛之南重行北上均西面禮部尚書一

人至

保和殿請

駕

皇帝御中和殿閱耕具畢奏禮成

乘輿還宮戶部官舁案出至

太和殿東檐順天府官徹案奉耕具出

午門仍陳各亭內鑾儀校舁行前列旗仗和聲署

作樂前導送耜田耕所陳龍亭於

帝耜左右陳耒亭於東西從耕位至日

皇帝禮服詣

先農壇致祭畢

儀見祠祭司

御具服殿更龍袍從耕暨侍班各官咸退更采服以
俟

帝耜正中陳

躬耕黃耒駕以黃犢戶部尚書一人立於右東面順
天府尹奉鞭立於左西面耜田東西陳從耕耒
耒各六駕以黝牛府屬丞倅奉青箱者咸俟於
次樂部典樂一人和聲署正二人丞二人立耜
田左右署史歌禾辭者十有四人司金鼓版聶

笙簫者各六人頂帶老農四人以次立耜田左
右麾五色采旗者五十人披蓑戴笠執錢鏹者
二十人牽牛耆老三十四人上農夫十人中農
夫十人下農夫十人立歌禾辭者之外相間為
班均東西面魚貫序立鴻臚寺鳴贊二人侍儀
御史二人夾耜田序立不從耕王公暨三品以
上文武官序立於

觀耕臺側禮部尚書奏請

行耕藉禮

皇帝出具服殿恭導至

耕位南嚮立從耕三王九卿以次就耕位東西面立

鴻臚官引王公各官至

觀耕臺南左右隅均南嚮立鳴贊贊進耒戶部尚
書北面跪進耒贊進鞭順天府尹北面跪進鞭
皆興退

皇帝右秉耒左執鞭耆老二人牽犢上農夫二人扶

犁禮部太常寺鑾儀衛堂官各二人恭導

皇帝行耕藉禮和聲署署史揚采旗司樂官引署史
鳴金鼓歌禾辭左右隨行順天府丞奉青箱以
從戶部侍郎播種

皇帝三推三返

每歲奉一推一返著

旨加為令

畢歌止鳴贊贊受

耒戶部尚書北面跪受耒贊受鞭順天府尹北
面跪受鞭皆興暨順天府丞奉青箱仍設龍亭
和聲署正率所屬退禮部尚書奏請

御觀耕臺

皇帝由午階陞座記注官四人由西階升立臺上西
南隅東面鴻臚官引王公百官退立於臺下左
右均東西面北上從耕三王九卿以次受鞭耒
耜耆老一人牽牛農夫二人扶犁順天府屬丞
倅一人奉青箱一人播種三王五推五返九卿
九推九返畢釋鞭耒入侍班位立執事官各設
青箱於采亭鴻臚官引順天府尹及丞率所屬

官耆老農夫至臺前甬道西北面東上鳴贊贊
跪叩興行三跪九叩禮畢退至藉田終畝禮部
尚書奏禮成

駕興由東階降乘輿還宮導迎樂作奏祐平之章王
公從各官以次退是日

耆耆老農夫布各四疋及秋玉粒告成擇吉收貯
神倉以供

天

地

宗廟

社稷之粢盛○恭遇

時巡省方遣官祭

先農禮畢順天府尹率屬耕藉與直省督撫耕藉禮

同○直省耕藉之禮奉天府及直省府州縣於

東郊

先農壇側擇地為藉田歲仲春吉亥既有事於

先農迺行耕耤禮省會督撫秉耒府佐貳一人奉青
箱一人播種司道秉耒縣佐貳奉青箱播種府
縣秉耒首領雜職官奉青箱播種各府州縣如
之專城衛所正印官秉耒掾史奉青箱播種咸
采服每歲收穫以供祭祀之粢盛督撫以奉行
耕耤日期具疏以

聞

親蠶

凡

親蠶之禮置桑田於西苑

先蠶壇之東南中為

躬桑位築臺於桑田北為

皇后觀採桑之位設蠶母二人蠶婦二十七人掌蠶

事置內監蠶宮令丞各一人以董之

詳見內務府掌儀司

歲仲春吉巳

皇后躬祀

先蠶

詳見祠祭司

禮成迺於蠶生日行

躬桑禮豫期宮殿監督領侍奏請

妃

嬪二位內務府奏以公主福晉夫人三人命婦四

人從採桑所司於桑田設從採桑位於臺南東
西立表以識前期一日宮殿監設案於

交泰殿中內務府奉宸苑堂官率所屬以龍亭一

采亭二陳採桑具

皇后金鉤黃筐從採桑

妃

嬪銀鉤柘黃筐福晉夫人命婦鐵鉤朱筐各貯亭

內由內務府入

隆宗門至

內右門外亭止宮殿監督領侍率蠶宮令丞暨內

監恭奉入至

交泰殿次第陳於案宮殿監督領侍等奏請

皇后吉服

御交泰殿閱採桑具畢奏禮成

皇后還宮內監奉出

內右門仍陳各亭內鑾儀校舁行前列旗仗和聲

署作樂前導送採桑所陳龍亭於臺右陳采亭

於東西從採桑位至日豫引從採桑暨侍班公

主福晉命婦咸采服至觀採桑臺左右恭蒞禮

部內務府堂官詣

乾清門奏請宮殿監督領侍等接奏

皇后率從採桑

妃

嬪咸吉服乘輿出宮導從如常儀至內壝東門外

降輿

御繭館相儀女官二人奉鉤筐立於臺前左右東西
面掌儀司內監率歌採桑辭內監十人司金鼓

版遂笙簫內監二十四人立臺前麾五色采旗
內監四十人於桑田內東西面魚貫序立傳贊
女官二人立臺前左右不從採桑公主福晉命
婦序立於臺側典儀女官奏請

行採桑禮

皇后出繭館引禮女官恭導至

採桑位南嚮立從採桑

妃

嬪公主福晉夫人命婦以次就採桑位東西面立
傳贊引不從採桑公主福晉夫人命婦至臺南
左右隅南嚮立相儀二人北面跪進鉤筐興退
皇后右執鉤左執筐蠶母二人恭助

皇后行採桑禮內監揚采旗鳴金鼓歌採桑辭

皇后於第一行東西三採畢歌止相儀二人北面跪
受鉤筐皆興奉鉤仍設龍亭內典儀奏請

御觀採桑臺

皇后由午階

陞座

妃

嬪侍立於臺上左右傳贊引公主福晉夫人命婦
於臺下東西面序立均北上從採桑

妃

嬪公主福晉夫人命婦以次受鉤筐蠶婦二人助

採

妃

嬪於第二行各五採福晉夫人於第三行命婦於
第四行各九採畢釋鉤筐入侍班位立執事女
官各設鉤於采亭傳贊引蠶母升階至

皇后前北面跪相儀舉筐授蠶母蠶母祇受興引退
至蠶室切之授蠶婦灑於箔蠶母還告典儀奏
請

御繭館

皇后降階前引暨贊引女官恭導贊引相儀從

妃

嬪以下咸從典儀奏請

皇后陞座傳贊贊行禮贊引引從採桑暨侍班

妃

嬪公主福晉命婦在丹陛上蠶母蠶婦在丹墀各

就拜位北面行六肅三跪三叩禮畢典儀跪奏

禮成

皇后降座引從如初至內墻東門外乘輿還宮公主
福晉命婦以次退至獻繭日蠶母率蠶婦擇佳
繭貯以筐恭獻

皇后

皇后獻

皇帝

皇太后以告蠶事之登遂率

妃

嬪乘輿出宮導從如儀

親臨織室蠶母率蠶婦全獻繭之所登者

皇后行繅三盆手禮

妃

嬪從繅以五為節蠶婦助之畢遂布於蠶婦之吉

者使繅既成絲迺命染人朱綠元黃之以供

郊

廟黼黻之用禮成

賜執事女官暨蠶婦銀幣有差

欽定大清會典卷二十六

欽定四庫全書

欽定大清會典卷二十七

禮部

儀制清吏司

授時

凡頒朔之禮歲以孟冬一日頒來歲十有二月之朔欽天監官設黃案於

午門外正中又設二案於

御道左右奉恭進

皇帝

皇太后

皇后時憲書於中案奉頒給王公百官時憲書於左

右案陳設畢舉中案由

午門中門入監正監副從至

太和門陳於左右階監正等於丹墀左行三跪九

叩禮畢授內務府掌儀司官奉至

乾清門

慈寧門恭進是日王貝勒貝子公以下文武百官咸

朝服集

闕下鴻臚寺鳴贊贊排班王貝勒貝子公序立

御道上文武百官序立

御道左右皆北面東班西上西班東上贊有

制衆咸跪宣讀官西面宣

制訖衆行三跪九叩禮王公百官皆以次跪領遂頒

布於畿甸以前民用○直省布政使司各給欽
天監時憲書印貯於庫歲四月欽天監以奏準
來歲時憲書式頒各布政使司刊刻成書鈐以
所貯監印孟冬月彙送督撫署督撫設香案陳
時憲書禮生引贊率所屬文武官朝服望

闕行三跪九叩禮祇領訖布政使司廼分發專城
之道府轉行所屬州縣分駐之提鎮轉行所屬
標營到日行禮祇領均與會城同廼頒布民間

山陬海澨無有不徧偽造者論如律○外藩蒙
古部落內外扎薩克諸邊番夷由驛給發朝鮮
國遣使赴部祇領

凡迎春之禮順天府豫於東直門外製芒神春
牛視歲建干支辨其形色以迎生氣占歲時立
春前一日府尹率僚屬朝服迎春於東直門外
隸役舁芒神土牛導以鼓樂至府署前陳於采
棚立春日大興宛平縣令設案於

午門外正中奉恭進

皇帝

皇太后

皇后芒神土牛配以春山各陳於案欽天監候時官

報屆時府縣學生員舁案禮部司官前導尚書

侍郎順天府尹暨丞後隨由

午門中門入至

乾清門

慈寧門恭進

皇帝

皇太后

皇后內監各接奏禮畢皆退順天府尹廼出土牛環
擊以示勸耕之意○直省府州縣豫於東郊外
各製芒神土牛立春之日率丞倅掾史暨師儒
耆老迎春於東郊如順天府之儀

頒詔

凡

頒詔之禮禮部鴻臚寺官豫設

詔案於

太和殿內左楹之南及丹陛正中鑾儀衛設黃蓋
雲盤於丹墀內龍亭香亭於

午門外工部豫設金鳳帟雲於

天安門上堦口正中設宣

詔臺於東第一楹設黃案於臺上奉

詔宣

詔各官咸朝服恭俟領催耆老咸齊集

天安門外金水橋南屆時內閣學士奉

詔至

乾清門恭用

御寶畢奉至

太和殿陳於東案

皇帝御殿羣臣朝賀行禮畢

儀別具

大學士一人入

殿左門詣案奉

詔由中門循左闌出至

殿檐下授禮部尚書禮部尚書跪受興由中階左

降至丹陛正中陳於案行一跪三叩禮跪奉

詔興由中階降置雲盤內禮部儀制司官奉雲盤張

黃蓋由中道出

太和門文武各官由

昭德門

貞度門隨出

詔至

午門外禮部官奉雲盤設龍亭內鑾儀校舁亭前列御仗導引樂作禮部尚書率屬隨至

天安門登城陳

詔書於宣

詔臺案上文武各官於金水橋前按翼序立鴻臚官

贊排班文武各官按班次北面立領催耆老序
立於後宣

詔官登臺西面立鴻臚官贊有

制衆皆跪宣

詔畢文武各官領催耆老均聽贊行三跪九叩禮奉
詔官奉

詔承以朶雲由金鳳啣下禮部官祇受仍設龍亭內
鑾儀校舁行前列黃蓋御仗導迎樂作由

大清門出至禮部禮部尚書侍郎率屬跪迎於儀

門陳

詔於大堂行三跪九叩禮畢恭鑄

詔書謄黃頒行天下○直省會城傳集耆老衆庶於
公廨候聽宣讀將軍督撫提鎮率所屬文武官
具龍亭黃蓋龍旗御仗出郭恭俟

詔至跪迎齋

詔官奉設龍亭內旗仗導行各官興皆乘馬從至公

廡陳

詔於堂上正中通贊贊排班禮生引各官就階下拜
位文東武西北面序立如朝賀儀贊跪衆咸跪
宣

詔官恭奉西面宣讀訖贊跪叩興衆行三跪九叩禮
畢廼騰黃頒布府州縣衛營汛宣播

德音無有不徧

頒賞

凡

頒賞恭遇

慶典

恩詔王公百官公主福晉命婦各

賜金幣有差

詳見則例

○恭修

實錄告成

賜監修總裁副總裁各金幣有差鞍馬一提調纂修

收掌謄錄官各金幣有差供事各金幣有差匠

役各金布有差

詳見
則例

玉牒告成

賜總裁副總裁各金幣有差提調纂修官各金幣有

差收掌謄錄官供事匠役各白金有差

詳見
則例

均

由部移取

頒給監修總裁以下各祇領如儀○將軍總督都統

巡撫副都統提督總兵官奉

命除授述職入

覲均由吏兵二部覈明咨部具奏請

旨

賜巡撫副都統總兵官鞍馬一將軍都統提督加

賜橐韉一弓一矢十總督加

賜朝服一由部於

午門外

頒賞本官朝服行三跪九叩禮○直省卓薦官得

旨準其注册者文官

賜朝服武職

賜采服

各按品級
詳見則例

均由部發郵遞各省督撫轉給後

報部

欽定大清會典卷二十七

欽定四庫全書

欽定大清會典卷二十八

禮部

儀制清吏司

進表

凡進表之禮元日長至在京王公百官在外將軍都統總督巡撫提督副都統總兵官恭行慶賀進表

皇帝

皇太后進箋

皇后均由內閣撰擬定式頒發王公百官恭進表箋
先期儀制司官豫由內閣祇領在外督撫表箋
具疏送通政使司轉送內閣具題將軍都統提
督副都統總兵官表箋由督撫彙齊驛遞送部
至日五鼓禮部鴻臚寺官設表案於

太和殿內左楹之南儀制司官恭奉表文陳於采

亭鑾儀校舁行和聲署作樂前導入

長安左門中門由

天安門

端門左門至

午門外采亭止禮部官奉王公百官所進

皇帝表文入

太和殿內陳於案恭俟

皇帝御殿宣表行禮畢由殿內奉出並將軍都統總

督巡撫提督副都統總兵官所進表箋均送內閣收貯

萬壽聖節與元日長至同

皇太后聖壽

皇后千秋王公暨中外文武百官恭進表箋均陳於午門外竝行禮後送內閣收貯○恭遇

國家有大慶典內閣臨時撰擬表箋定式頒發中外屆期恭進均如前儀○朝鮮國王慶賀

皇帝三大節表文遣使於歲杪赴部恭進元日隨直
省表箋送內閣○

殿試傳臚後五日狀元率諸進士上表謝

恩是日鴻臚寺設案於

午門外正中鳴贊二人監禮御史二人夾

御道立序班引狀元暨諸進士由

長安左門北門入至

闕下序立

御道左右均東西面狀元奉表詣案前北面跪陳
於案三叩興退復位立鳴贊贊排班引狀元暨
諸進士就東西拜位北面立贊跪叩興行三跪
九叩禮畢儀制司官奉表送內閣鴻臚官徹案
皆退

進書

凡恭進

實錄

聖訓前期一日禮部鴻臚寺設

實錄案

聖訓案於

保和殿正中設表案於

殿門外稍東皆南嚮設表亭香亭龍亭於

實錄館內至日質明鑾儀衛陳法駕鹵簿於

太和殿階下樂部設樂懸於東西檐如常儀王公

集

太和門外金水橋北文武百官集橋南監修總裁
提調纂修各官集

實錄館咸朝服舉案侍衛於

保和殿外內監於

乾清門外恭蒞咸采服屆期監修官恭奉表文陳
於表亭纂修官恭奉

實錄

聖訓陳於龍亭各官行三跪九叩禮校尉舁行張黃蓋

列龍旗御仗作導迎樂鴻臚官前引監修以下
官從以次入

協和門中門至金水橋南王公百官跪迎候過興
香亭龍亭由中道入

太和門中門表亭由道左入

太和門左門監修以下官從至

太和殿階下亭止監修以下官行一跪三叩禮纂
修官恭奉

實錄

聖訓鴻臚卿二人前引由中階升入

太和殿中門監修官恭奉表文由左階升入

殿左門至

保和殿各陳於案監修以下官於丹陛東行三跪

九叩禮所司設

皇帝拜位至時引王公入

太和門左右門至丹陛上文武各官入

昭德門

貞度門至丹墀內均按翼序立禮部堂官奏請

皇帝御殿恭受

實錄

聖訓

皇帝禮服乘輿出宮禮部堂官二人導

駕後扈大臣侍衛扈從至

保和殿後降輿入詣

實錄

聖訓案前北嚮行三跪九拜禮興立案左侍衛入

殿恭舉

實錄案

聖訓案表案由

保和殿後中門出恭送至

乾清門交內監送入

大內禮部尚書奏禮成

皇帝御中和殿執事各官行三跪九叩禮

不贊

駕興前引後扈

午門鳴鐘鼓

皇帝御太和殿作樂鳴鞭均如常儀監修總裁纂修

提調各官入百官班內序立鳴贊贊排班班齊

贊進衆進贊跪

以下行禮皆贊

王以下各官咸跪宣表

官一人進至

殿中門外西面跪代致辭鴻臚卿宣

制答致辭畢贊叩興王公百官行三跪九叩禮畢

皇帝還宮各官皆退翼日監修以下官詣

乾清門恭進副本○擇吉恭送

實錄

聖訓於

皇史宬尊藏工部官豫設香亭龍亭於館內正中

監修總裁纂修提調官咸朝服恭奉

實錄

聖訓陳於龍亭行三跪九叩禮鑒儀校舁行龍旗御仗
黃蓋前導作導迎樂恭送

皇史宬藏於金匱是日纂修官送副本交內閣收
貯○恭送

實錄

聖訓至

盛京尊藏先期宗人府奏遣王公一人禮工二部
奏遣堂官各一人率

實錄館提調官一人纂修官二人禮部工部司官各一人欽天監官一人乘傳送往屆期工部官設香亭龍亭於館內正中纂修官恭奉

實錄

聖訓陳於龍亭送往之王公各官行三跪九叩禮畢校尉舁行黃蓋旗仗作樂導引如前儀至

朝陽門外樂止旗仗前導如初所過地方文武官咸朝服出郭跪道右迎送至奉天府城外

盛京將軍五部侍郎奉天府尹以下有頂帶官以
上咸朝服出郭跪迎豫備龍亭鼓樂恭迎至

崇政殿內安設各官行三跪九叩禮擇吉期恭昇
龍亭至

鳳凰樓前送往之王公各官暨守土官均行一跪
三叩禮提調纂修官暨

盛京五部司官恭奉

實錄

聖訓登樓尊藏於金匱既畢行三跪九叩禮

凡恭進

玉牒之禮禮部鴻臚寺官按

玉牒卷數豫設案於

中和殿工部官設采亭於

玉牒館至日質明王公集

太和門外文武各官集

午門外咸朝服東西序立總裁王大學士尚書暨

提調纂修官朝服集

玉牒館恭奉

玉牒正本及副本陳於采亭總裁王暨各官行三跪九叩禮畢鑾儀校舁行前列御仗黃蓋作導迎樂總裁以下乘馬從由

大清門入至

天安門外各官下馬至

午門外諸王下馬齊集之百官跪迎至

太和門外齊集之王公跪迎皆候過興至

太和殿階下亭止纂修官恭奉

玉牒由中階升入

太和殿中門總裁以下官由東階升入

殿左門至

中和殿陳

玉牒於各案總裁率提調纂修官於丹陛東行三跪九

叩禮畢總裁詣案前恭展

玉牒禮部堂官奏請

皇帝禮服乘輿出宮至

保和殿後降輿至

中和殿詣案左西嚮立禮部尚書奏

閱

玉牒

皇帝詣中案北嚮

閱畢奏禮成

皇帝還宮總裁率提調纂修官恭奉

玉牒交內監進

呈移采亭於

乾清門外

大內交出仍陳於采亭內鑾儀校舁行前列御仗

黃蓋由

太和門

協和門

東華門中門出作導迎樂恭送至

皇史宬尊藏齊集之王公於

太和門外文武各官於

協和門外跪送如初迎儀○恭送

玉牒至

盛京尊藏於

敬典閣

崇謨閣與恭送

實錄

聖訓儀同

鑄印

凡鑄造金寶金印

皇太后金寶盤龍紐

皇后金寶交龍紐

皇貴妃

貴妃均金寶蹲龍紐

妃金印龜紐均清篆左漢篆右篆用玉筋文親王
世子金寶龜紐郡王金飾銀印麒麟紐均芝英
篆○朝鮮國王金印龜紐芝英篆安南琉球暹
羅三國王金飾銀印均駝紐尚方大篆

凡鑄造銀印關防内外文職一二品尚方大篆
内三品順天奉天二府以上外承宣布政使司
尚方小篆均直紐内外武職一二品均柳葉篆
虎紐○衍聖公尚方大篆直紐○蒙古諸部扎

薩克盟長右鑄清文左鑄蒙古文虎紐

凡鑄造銅印關防鈐記內文職三品詹事府以下外提督學政提刑按察使司尚方小篆內四五品外三四品鐘鼎篆內六品外五品以下垂露篆內外武職三四品父篆四五品以下懸鍼篆均直紐

凡增鑄之印內外文武官新設者改調職守者由吏兵二部會部擬定印文字數題準咨部付

局鑄給

凡改鑄之印內外官印歲久模糊應改鑄者題
咨到部鑄給

凡發印各印鑄成呈堂驗閱發司封固鈐以司
印在內各部院寺監遣官齎文赴領在外文職
府通判武職總兵官以上專差齎文赴領文知
縣武副將以下發提塘郵寄於印四角加柱鈐
封如前本官得印去柱啟封以用印年月日報

部存案

凡繳印內外官接到新印於舊印篆文中加鐫
繳字送部銷燬

凡封印開印前期劄欽天監擇吉具疏通行中
外遵行

欽定大清會典卷二十八

欽定四庫全書

欽定大清會典卷二十九

禮部

儀制清吏司

婚禮一

凡

大婚之禮由部行欽天監諏吉翰林院恭擬

冊文

勅所司製

冊

寶備儀物豫期行納采禮所司具儀物以禮部尚書
一人充使內務府總管一人副之是日五鼓鴻
臚官設案於

太和殿丹陛左右鑾儀衛設采亭於丹墀左右又
設案於

皇后邸聽事正中內務府官奉儀物陳於丹陛各案

陳馬於丹墀質明正副使朝服入執事官舉儀
物案降自中階陳儀物於采亭前列御仗由

太和門中門出至

皇后邸后父朝服跪迎於大門外道右候過隨入采
亭止儀門外執事官奉儀物由中門入各陳於
案陳馬於庭正副使以次奉儀物授后父后父
北面跪受興率子弟望

闕行三跪九叩禮仍送正副使於門是日就

皇后邸設納采燕燕后父二品以上官咸與燕燕后
母及內親屬二品以上官命婦與燕亦如之前
期一日遣官各一人以

大婚祇告

天

地

太廟廼行納徵禮所司具大徵儀物以禮部尚書內務
府總管各一人充正副使各執事官具采亭設

案於

太和殿丹陛及

皇后邸聽事正副使朝服將事至門后父跪迎入正
副使以次奉儀物授后父后父跪受儀與納采
同

賜后父母金銀衣服鞍馬暨后之兄弟服物有差后
父率子弟望

闕行三跪九叩禮后母率諸婦行六肅三跪三叩

禮畢正副使出后父送於門至日發

冊奉迎以大學士一人充正使禮部尚書一人副之
護送之內大臣侍衛暨前導後隨二品以上官
命婦恭侍女官執事內監均豫期由所司疏名
奏請

欽定是日五鼓

皇帝法駕鹵簿樂懸全設如常儀鑾儀衛設

皇后儀駕於

皇后邸設龍亭二於

太和門階下鴻臚官設

冊案於左西嚮設

寶案於右東嚮又設

冊寶案於

皇后邸聽事設

皇后拜位於案南禮部堂官內閣學士奉

金冊

金寶及

冊寶文於龍亭鑒儀校昇行禮部官前導至

太和殿階下亭止執事官奉

冊寶以次升中階入

殿內各陳於案退質明正副使立丹墀之東西面

內大臣侍衛立丹墀之西東面均北上王公百

官咸朝服各按翼序立執事命婦女官內監豫

詣

皇后邸祗埃屆時禮部堂官奏請

御殿

皇帝禮服朝於

皇太后宮行禮畢

乘輿出宮導引扈衛如常儀

御太和殿中和韶樂作

陞座樂止階下鳴鞭鴻臚官引正副使就拜位丹陛

樂作贊如儀行三跪九叩禮畢樂止引正副使

由左階升至丹陛

御道左北面西上立大學士奉

冊授正使奉

寶授副使正副使跪受興由中階降陳

冊寶於龍亭鑾儀校舁行前列御仗自

午門外鼓吹樂作正副使前導內大臣侍衛隨亭

後由

太和門

午門

大清門中道出廼

賜王公百官坐

賜茶畢鳴鞭中和韶樂作

皇帝還宮正副使至

皇后邸后父朝服率親屬跪迎於大門外道右候

冊寶龍亭過隨入至儀門亭止正副使奉

冊寶授內監內監奉

冊寶以次由中門入

皇后御禮服引禮女官二人恭導出迎於庭中道右

后母及諸婦咸朝服跪候過隨入聽事

皇后東面立后母及諸婦立

皇后後內監奉

冊寶

冊寶文陳於東案引禮女官恭導

皇后就拜位北面立又女官四人立拜位左右均東

西面宣讀女官二人立東案之南西面引禮女

官奏跪

皇后跪贊宣

冊宣讀女官奉

冊文宣訖贊受

冊女官一人奉

冊自右跪進

皇后祇受授於左女官一人跪接興陳於西案次宣

寶受

寶儀如之奏興

皇后興奏行禮

皇后行六肅三跪三拜禮畢恭導

皇后入內內監奉

冊寶出授正副使正副使受

冊寶各陳於亭欽天監官報

陞興吉時鑾儀校舁

冊寶亭先行正副使隨行女官恭導

皇后陞輿鑾儀衛內監昇輿儀駕鼓樂列輿前女官
四人前導七人後隨均乘騎內大臣侍衛前導
後從后母率諸婦跪送於庭后父率親屬跪送
於大門外

皇后輿由

大清門中門入至

午門外儀駕止

皇后輿入

午門中門正副使同內大臣侍衛退龍亭止內監奉

冊寶前導

皇后輿入自中門至

中宮階下降輿前導後隨女官各退恭侍女官迎

皇后入中宮內監奉

冊寶安於

皇后宮退至午時

皇帝御太和殿賜后父及親屬燕王公百官咸與

皇太后御宮賜后母及親屬燕公主福晉大臣命婦咸

與合卺吉時屆宮中設燕行合卺禮翼日

皇帝偕

皇后朝於

皇太后宮越三日

皇帝率羣臣

皇后率公主福晉命婦詣

皇太后宮行禮畢

皇帝御太和殿王公百官上表行慶賀禮

皇后詣

皇帝前行禮畢

御中宮公主福晉命婦行慶賀禮是日以

大婚禮成

頒詔布告天下儀均與

冊立同直省文武官及外藩屬國進表

皇太后

皇帝前進箋

皇后前各稱賀

婚禮二

凡

皇子婚禮先期內務府行欽天監諏吉

召福晉父采服至

乾清門

命大臣之夫婦偕老者一人傳

旨以某氏女作配與皇子某為福晉福晉父祇受

命謝

恩行三跪九叩禮退

皇子具采服往見福晉父母至門福晉父采服出

門外迎入升堂

皇子拜福晉父答拜凡三叩興請謁福晉母

皇子拜福晉母答拜叩如前畢辭出福晉父送如

初迎儀廼諏吉行納采禮所司豫日具儀物舁以采亭以內務府總管將事至門福晉父迎於門外使者入陳儀物於聽事以次授福晉父福晉父跪受訖興率子弟望

闕行謝

恩禮福晉母率其族諸婦行禮如之使者出福晉父送如初迎儀是日

賜福晉父母服物鞍馬金銀各有差燕福晉父於其

第公侯伯暨一二品官往會燕福晉族人之有
職者咸與燕福晉母暨諸婦一二品命婦會燕
亦如之至期迎娶

命內務府總管一人率內務府官及內府護軍導從
護衛以大臣命婦二人襄事福晉家咸采服以
俟是日

皇子采服詣

皇太后

皇帝

皇后宮行禮如常儀屆時內務府官具絳輿至門福
晉父出迎如納采儀輿入陳聽事正中執事女
官以升輿吉時告福晉具吉服升輿母率諸婦
送於庭父率子弟送於門內府護軍前導女官
隨輿後內務府總管各官護從如儀至

皇子所居宮門外從官各退女官導輿由中門入
至宮前降輿女侍迎入宮合卺吉時屆廼設燕

行合卺禮是日於

皇子所居及前亭均結采內外具筵席燕福晉父

母儀與納采日同翼日

皇子偕福晉咸采服詣

皇太后

皇帝

皇后宮行禮各如儀

皇孫婚禮與

皇子同惟納采儀物有差

凡公主釐降之禮先期內務府行欽天監諏吉
額駙采服恭蒞於

乾清門

命大臣之夫婦偕老者一人傳

旨以某公主擇配某人額駙祇受

命謝

恩行三跪九叩禮畢退迺諏吉行納采禮是日質明

額駙詣

午門恭進駝馬酒筵光祿寺具饌所司張燕設樂
於

保和殿暨

皇太后宮屆時與燕之王公大臣暨侍衛咸采服入額
駙之父率族人咸朝服先詣

慈寧門外行三跪九叩禮迺詣

保和殿序立丹陛上各如儀

皇帝龍袍袞服

御保和殿陞座鴻臚寺贊如儀額駙父率族人於

殿外丹陛上行三跪九叩禮引入

殿各就席坐進茶訖進酒大臣恭進

皇帝觴額駙父率族人出班跪丹陛左右北嚮行一

叩禮畢復位坐

賜進酒大臣酒迺徧爵進饌作樂升歌既徹燕額駙

父率族人出就丹陛拜位謝燕行一跪三叩禮

畢

皇帝還宮額駙父率族人詣

皇太后

皇后宮門前行三跪九叩禮畢退是日

皇后率

妃

嬪具吉服詣

皇太后宮如常儀額駙之母率族中諸婦咸朝服入

宮門序立丹陛上

皇太后吉服陞座引禮女官引額駙母率諸婦就拜位
行六肅三跪三叩禮引入

殿

皇后以下各就席坐進茶訖進酒命婦恭進

皇太后觴額駙母率諸婦出班跪丹陛左右北嚮行一
叩禮畢復位坐

賜進酒命婦酒迺徧爵進饌作樂升歌既徹燕額駙母

率諸婦出就丹陛拜位謝燕行二肅一跪一叩
禮畢

皇太后還宮

皇后率

妃

嬪各還宮額駙母率諸婦詣

皇后宮行六肅三跪三叩禮畢退

燕儀詳見
內務府

既諏吉

釐降豫期所司以近支福晉夫人名氏奏請

欽點一人送嫁以內務府官率護軍導從護送及齋
送裝奩以命婦充襄事女官前一日額駙率族
人詣

乾清門

皇太后宮門前行謝

恩禮至日陳設奩具女官率女侍先詣額駙第祇謁
額駙具馬駝甲胄牲酒饌筵詣

午門恭進如納采儀鑾儀校舁奩具齋奩官導行

至額駙第女官率女侍鋪裝是日公主吉服詣
皇太后

皇帝

皇后前行禮如儀屆時欽天監以升輿吉時告公主
迺自宮門升輿女官前引後從出宮門外儀衛
前列各官導護如儀送嫁福晉夫人乘輿隨行
至門儀衛止輿入至儀門各官止立至聽事中
降輿女官前引入室送嫁之福晉夫人隨入額

駙禮賓於聽事女賓禮於中堂饗各執事人合
卷吉時屆廼設燕行合卷禮禮成衆賓皆退是
日燕於

保和殿

皇太后宮如納采儀翼日公主朝服詣

皇太后

皇帝

皇后宮行禮額駙朝服詣

宮門外行禮各如儀若公主下嫁外藩納采及下嫁日止進牲酒不進饌筵餘儀同

凡王公婚禮王等自聘廷臣女為婚者既成言王等往謁福晉夫人父母如

皇子儀遂諏吉行納采禮自親王至輔國公各具簪珥領約指環衣裳衾褥有差以府屬官充使從者以禮物從至門主人迎入使者陳禮物於聽事主人受禮迺饗使者使者退主人送於門

是日設燕親王婚禮自親王以下侍郎男以上
公主福晉以下郡王貝子夫人以上咸會燕世
子郡王會燕與親王同貝勒婚禮自郡王以下
尚書子以上郡主郡王福晉以下郡君貝子夫
人以上咸會燕貝子婚禮自貝勒以下公以上
及本旗官屬郡君貝勒夫人以下縣君輔國公
夫人以上咸會燕鎮國公婚禮自貝子以下奉
國將軍以上縣君貝子夫人以下鄉君奉國將

軍淑人以上咸會燕輔國公惟貝子貝子夫人
不會燕餘如鎮國公婚期前一日女氏齎奩具
詣府陳於室至日具福晉夫人儀衛采輿往迎
以府屬官充導從至門儀衛止輿入聽事中福
晉夫人具吉服升輿儀衛前引府屬官隨從如
儀至府由中門入至殿堂前降輿執事官退女
侍迎入室屆時行合巹禮是日設燕與納采日
同若聘外藩女為婚納采用鞍馬甲冑繒布婚

期前行聘禮如之其物數多寡均以王貝勒貝子公為差聘禮又以外藩王貝勒台吉之女為差餘如前儀福晉夫人之父若母及外藩女之兄弟從人各分別給賞王等如奉

旨賜婚具朝服詣

太和殿前謝

恩行禮如儀既成婚行禮亦如之王公之子未受爵者婚禮得視其父已受爵者各從其爵鎮國將

軍以下至閒散宗室納采及成婚日親友僚屬
咸會禮物燕席視公之數遞減各有差覺羅有
官者從其品無官視閒散宗室餘均如前儀

凡郡主以下于歸之禮王等自擇配既許字行
納采禮自郡主至鄉君額駙各具鞍馬甲冑有
差遣使齎禮物至府府屬官迎入陳甲冑於殿
堂陳鞍馬於庭引使者見王等行二跪六叩禮
饗使者使者退府屬官送於門是日設燕燕禮

郡主視親王縣主視郡王郡君視貝勒縣君視貝子鄉君鎮國公女視鎮國公輔國公女視輔國公婚期前一日府屬官齎奩具往陳額駙家郡主以婢八人男婦五戶從媵縣主郡君遞減其一鄉君鎮國公女以婢四人輔國公女以婢三人男婦各二戶屆期本府具儀衛采輿府屬官充導從護衛郡主等具采服於王公福晉夫人前行禮畢媵婢侍奉升輿儀衛前引府屬官

隨從如儀至額駙第儀衛止至聽事中降輿女
侍迎入室屆時行合巹禮是日設燕與納采日
同若嫁外藩王貝勒台吉納采用馬駝羊聘易
駝以牛其數自郡主至鄉君各有差筵燕之牲
如之餘如前儀

凡品官婚禮先以媒妁通言二姓遂諏吉行納
采禮自公侯伯至九品以上官各具簪珥領約
衣服衾褥有差主人吉服命子弟為使從者齋

禮物如女氏至門女氏主人吉服迎入從者陳
禮物於聽事賓致命主人祇受告於廟廼禮賓
賓退主人送於門使者還復命是日設燕燕具
牲酒自公侯以下數各有差婚期前一日女氏
以奩具往陳壻家至日壻家具合卺燕於室壻
吉服以俟廼設儀衛以婦輿如女氏女氏主人
告於廟筭而命之醴女以俟迎者迎者至姆奉
女升輿行至門女侍導婦入室壻婦交拜訖行

合巹禮是日設燕與納采日同品官之子未受
職者禮得視其父已受職者各從其品士婚禮
得視九品官庶民納采首飾數以四為限輿不
采飾餘均得視士越三日主人主婦率新婦見
於廟分不得立廟者見祖禰於寢如常告儀

欽定大清會典卷二十九